

Protocol no. 105

Sezzüda da mardi, als 26 avuost 2014

20.00h – 23.45h

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Pro las tractandas no. 941 – 946 ill manader tecnic Christian Poo.

Protocol

Il protocol no. 104 da la sezzüda da lündeschdi, als 11 avuost 2014 vain approvà.

941 021 FABRICA
Jachen Andri Schmidt ; Suottet pel tanc da lat e garascha nouva pro la stall'existentia; parcella no. 981, Sarandschasch

A. Poo piglia recusaziun. Il permiss davart dal BAB ais avantman in möd cumplet. La cufa ha trattà la fatschenda e propuona da conceder il permiss. Cun vusch unanima conced'ill cussagl il permiss da fabrica.

942 021 FABRICA
Andri Guler; Isolaziun externa, rimlazzamaint da las fanestras e sanaziun da la lobia existentia; parcella no. 143, chasa no. 208 Archas Sura

La dumonda ais statta publichada. La cufa tilla ha trattada e propuon'al cussagl da conceder il permiss. Il cussagl til conceda cun vusch unanima.

943 021 FABRICA
Benjamin e Nicole Steiner-Kamm; ingrandimaint d'üna fanestra fatschada süd, parcella no. 211, chasa no. 96 La Motta

La dumonda ais statta publichada. La cufa suottamett'al cussagl la proposta da conceder il permiss. Il cussagl til conceda cun vusch unanima.

944 021 FABRICA
Wolfgang Bosshard; sbodamaint dal stabilimaint existent e reconstrucziun d'ün nouv stabilimaint cun infrastruttura sanitaria; parcella no. 1335 (9026), piazza da campar Sur En

La dumonda ais statta publichada. La cufa tilla ha examinada e suottamett'al cussagl la proposta da conceder il permiss. Il contrat da dret da fabrica cul cumün da vaschins ais gnü prolungà per ulteriurs 30 ons. Il cussagl conceda il permiss da fabrica cun vusch unanima.

945 021

FABRICA

**Nadja Fliri; spostamaint da l'entrad'existenta i'l plan terrain;
chasa no. 608, parcella no. 425, Via Sura**

La cumischiun ha examinà la dumonda e tilla suottametta al cussagl cun proposta da conceder il permiss. La dumonda nun ha da gnir publichada pervi ch'ella vain trattada in basa da la procedura d'annunzcha. Il cussagl conced'ìl permiss cun vusch unanima.

946 021

FABRICA

**Hans-Jürg Schürmann; fouras geotermicas cun pumpa da
chalur, parcella cumünala no. 204, La Motta**

La cumischiun ha examinà la fatschenda. Il patrun da fabrica prevezza d'installar las duos sondas sül terrain cumünal e perquai drizz'el al cussagl cumünal la dumonda pel acconsentimaint. Il cussagl decida, analog eir ad oters cas, d'aderir a quella. Uschè po la dumonda gnir inoltrada a l'uffizi chantunal per la natüra e l'ambiaint.

Nouv bügl a Schigliana

Il manader tecnic preschainta las offertas:

Il cussagl decida cun vusch unanima da surdar l'incumbenza a la ditta Lazzarini SA pel predschi d'offerta da fr. 27'518.00 net incl. ipv.

l'ì büdschet ais resguarda per quai üna somma da fr. 16'000.00, uschè cha'l cussagl decida da conceder il credit supplementar bsögnavel d'amo fr. 12'000.00. Davart dals sturnels ais gnü miss in vista üna contribuziun da ca. fr. 8'700.--, uschè cha'ls cuosts restants croudan per ca. fr. 3'000.-- plü ot co büdschetà.

Proget revisiun da la planisaziun locala

Il manader tecnic infuormescha cha'ls resultats da l'uffizi chantunal a regard l'examinaziun preliminar seguan amo d'ürant il decours da quist'eivna. Causa la revisiun da la ledscha federala da la planisaziun dal territori sun ils respunsabels da l'uffizi chantunal stats fatschendats fich ferm cun quel proceder ed han uschè negligi per part la lavur da l'examinaziun preliminar. Pro alchüns puncts, ils quals sun d'importanza regiunala, ais gnü resguardà eir la decisiun a regard la fusiun dals 6 cumüns e latras nun ais gnü entrà in möd detaglià illa materia.

947 810.501.24

**Proget Via da basa Sur En
Expropriaziun da terrain**

Il cussagl discuta la fatschenda e decida finalmaing da far ils pass toccants.

948 805

MEGLIORAZIUN GENERALA SENT

Rendaquint final / sauaziun – charta davart l'uffizi chantunal

Il cussagl ha tut cugnuschentscha da quella e s'exprima stupefat sur da la posiziun, cha'l manader da l'uffizi, D. Buschauer piglia in fatschenda. El trattarà lura sur da l'ulterirur proceder.

949 211

SCOULA S-CHALIN OT

Classa da talents; charta davart dal cussagl da scoula

Davart da la PEB d'eira gnü decis unanim, a regard «gentlemen's agreement» cha mincha cumün suottascriba il contrat correspondent cul Institut Otalpin. Davart dal cussagl da scoula d'eira però gnü rendü attent sül problema, dimena cha per scolars da scoula reala nu daja ingüna sporta resp. be in cas scha quels accumulishan l'examen chantunal sco

«talent». In vist'a quella problematica vaiv'il cussagl da scoula giavüschè expressmaing da pudair consultar il contrat avant cha quel gn'ia suottascrit, quai cha però nun ais success. Cun charta dals 14 avuost 2014 s'exprim'il cussagl da scoula dischillus sur da quel agir e declera da nu pudair acceptar quel.

Facit: Il cussagl s'exprim'in möd, cha'l cussagl da scoula ed il cussagl cumünal dessan tour per mans la fatschenda ed intervenar pro la PEB.

950 830

TURISSEM

Chau Chau SA / Chilly hub; dumonda da prolungaziun dal permiss provisoric pel restorant in Palüzot

Ils respunsabels, Lischana fiduziari SA e Ronald Jacobs inoltreschan la dumonda pella prolungaziun e quai dals 18 settember 2014 fin la fin d'avrigl 2015. Davart da la cufa vain muossà via per l'üna sülla problematica da la zona e per l'otra chi bsögna qua ün proceder da fabrica ordinari per üna d'ürada stabla, dimena la decisiun da la radunanza cumünala. Prolungar ün provisoric nun ais, seguond cufa, pussibel e s'cuntrafess a la ledscha da fabrica. L'idea oriunda da la ditta d'eira insomma da plazzar il stabilimaint a scopo da preschantar seis prodot dal fabricat.

Davo viva e vasta discussiun decid'il cussagl, in basa dal surmanzunà, da refüsar la dumonda da prolungaziun.

951 620.501.01

Concept da trafic

Vias champestras; dumonda davart las societats d'alps e chascharia a regard l'adöver da las vias

Las società d'alps e chascharia, la società da vachas mamma sco eir la società da bescha han inoltrà la dumonda pel relasch da las taxas pel transit da veiculs dal persunal d'alp o lura almain per üna reducziun da quella sün üna vignetta pro alp.

Il cussagl as retira sül uorden da trafic in vigur, art. 8 chi curcumscriva chi chi'd ais liber da transir süllas vias champestras. La sparta d'agricultura nu figüra là, uschè chi nun ais pussibel d'aderir a la dumonda. Ultra da quai significhess ün relasch ün grond cas da pregüdzizzi. In basa dal surmanzunà decid'il cussagl da refüsar la dumonda.

952 620.501

Vias e piazzas

Entrada pro la baselgia / spuonda da sgürezza

Sül mür da sustegn vers la chasa cumünala e pro quel da sunteri vegl bsögna quai da montar üna spuonda da sgürezza. Seguond offerta s'amuntan quels cuosts a fr. 9'700.00. Previs ais la montascha d'üna spuonda da metal (lunghezza 40m).

Il cussagl conceda cun vusch unanima la somma pel credit bsögnaivel da fr. 10'000.00.

953

DIVERSAS SCHEFS

Schlargiamaint trassè e trapartiziun pista dal sömmi a Vastur

Il manader tecnic infuormescha sur da la visita oculara dals 7 avuost 2014, a la quala d'eiran preschaints sia persuna, il vicecapo, il silvicultur ed Armon Taverna. Id ais gnüda chattada üna soluziun per redüer il privel chi prevezz'ün schlargiamaint da ca. 1,5m dal trassè da la pista pro la scarpada da la vart sura. La lavur effetteschan ils lavuraints cumünals. Las vascas da betun pels pösts da la saiv e la paraid da lain (sistem per allontanar da stà) montascha e demontascha da quella sco eir ulterius cuosts in chosa van a charg d'Armon Taverna. Ultra da quai ais la fatschenda gnüd'acceptada davart da las PMSFS e da las possessurs dal terrain (Fam. S. Zanetti e fam. P. Wieser) han concess il dret per far quella correctura. Davart da la cufa ais la fatschenda eir gnüd'examinada e quella valüta la soluziun sco radschunaivla ed in roms modests, uschè cha quel permiss po gnir concess. Il cussagl conceda quel cun vusch unanima i'l sen dal surmanzunà.

Dons da strasoras Uina

Il cusglier, M. Caviezel, infuormescha cha las lavuors pro las chasas tangadas a Sur En sun conclusas. Ils cuosts totals s'amuntan a var fr. 30'000.00. Üna part da quels vain subvenziunda.

TESSVM / barat d'infuormaziuns tanter cussagl cumünal ed il mainagestiun da la DMO

Il cussagl discuta cuort sur da l'aboccamaint dals 21 avuost cul mainagestiun, U. Wohler. Da quella vart vain amo redigi üna notizcha d'acta sur da la sezzüda.

Nadia Demonti / dumonda pella realisaziun dal marchà d'utuon, 4 october 2014

Sco minch'on conced'eir quist on il cussagl quel permiss suot las üsitadas cundiziuns.

C-Films SA, Turich / realisaziun d'ün film da kino „Ursin“

Quella dumonda pel permiss da pudair filmar scenas in Val Uina e quai dals 29 settember 2014 fin als 17 october 2014. Il cussagl conceda quel permiss cun vusch unanim.

Ruta da bikes B32

Il capo vaiva fat part a la sezzüda da coordinaziun dals 14 avuost 2014 a Zernez e dà ün'orientaziun lasupra. I's tratta qua dal traiget Samignun – Tirano, il qual ais fingià decis da realisar e quel vain eir subvenziunà.

La signalisaziun – part nord – sto surtour il cumün da Sent e quella – part süd – il cumün da Poschiavo. Las lavuors da signalisaziun vegnan indemnisadas. Il nom da la ruta ais destinà cun «Transrätia Bike».

SÜP – Sturnels / dumonda per üna sairada d'inscunter cul cussagl cumünal

Davart dal respunsabel, Ruedi Aeschbacher, vain inoltrà la dumonda per quel inscunter. La proposta dal termin ais, venderdi, als 17 october 2014, illa sala cumünala da la chasa Misoch. Il cussagl conferma quel termin, causa ch'el po esser preschaint là in möd cumplet.

Gruppa da god / ingaschamaint temporar d'üna persuna

Il cusglier, M. Caviezel, infuormescha, cha'l silvicultur M. Riatsch, pudess douvrrar ad üna forza da lavur temporara per effetuar diversas lavuors, quai fin ca. la fin dal mais november 2014. L'indemnisaziun as basa seguond directivas chantunalas per forzas temporaras. Il cussagl va d'accord cun quai.

954

VARIA

Nationalpark-Bike Marathon / invid a l'arriv a Gurlaina

Sco sponsur ais il cumün invidà. Il cusglier, M. Caviezel, rapreschaint'al cussagl.

L'actuar:
Marco Fallet

Il capo:
Albert Mayer